



國朝畫傳編韻卷二

錢塘姜

寧淳甫纂輯

◎吳偉業

字駿公號梅邨太倉人崇禎辛未進士廷試一甲二名入國朝官祭酒博學工詩文名滿區宇山水得董黃法與董思白玉煙客等友善作畫中九友詩紀之

◎吳山濤

字岱觀號塞翁錢塘人崇禎己卯舉人官陝西成縣令旋告歸終老吳山壽至八十七歲工詩文善行艸書畫山水

木石筆意蒼古簡淡無作家氣

吳穎

字見末溧陽人順治壬辰進士官刑部郎中出知湖州府工詩文善畫山水自號長菴所著有葦蕖堂集湖州志溧詩閭史

吳同雲

字雲芝嘉興府庠生工詩文書畫稱三絕

吳孟琦

字伯蘊山陰縣武舉人善墨竹

◎吳宏

字遠度江寧人工山人能集諸家之長而運以己意尤長墨竹周亮工宋琬錢柏齡均題其畫

◎吳歷

字漁山吳人文恪公訥之後所居有言子墨井故晚號墨井道人工書法東坡畫山水宗元四家而筆力氣運直逼大痴曾游海外經西洋數萬里歸隱上澣画益奇逸不可一以學力到國朝畫山水名家當推第一

吳安

字定山松江人隱居泖濱號泖湖釣者寫山水氣韻娟秀

◎吳期遠

字子遠丹徒人寓都中賣畫自給山水法一峯老人

吳舫

字方舟揚州人善白描人物并寫照

吳慶孫

字綬紫金山縣張堰人府庠生能詩詞工山水

◎吳倬

字啟明華亭人工人物

吳賓

字魯公華亭人畫山水初師董思翁後參以宋元諸家其

極工者學小李將軍界劃樓閣約縮人物細入豪髮又善

花鳥及寫照

吳言

字羽仙杭州人善人物仙佛鬼判法戴文進

◎吳旭

字子升徽州人工山水人物寫照

吳彥國

字長文徽州人善山水尤精堪輿之術足蹟半天下名山勝景助其興致落筆靈妙布置得宜

吳醇

號艾菴長洲人工山水做倪黃十二研齋集有艾庵贈山水歌

吳嘉枚

字介臣號介菴錢塘庠生貢入太學卒不偶乃肆力詩文書畫并搜羅鼎彝歛識晚年僦居吳門濠上中構壺山艸堂左圖右史吟咏之餘點染煙墨悠然自得

吳球

字禹錫秀水人畫師藍田叔

吳長吉

嘉興人同雲之孫工繪事

吳肅雲

字竹蓀號盟鷗徽州人工山水

吳昕

字仲徵徽州人世居于杭画山水學松江派筆墨淹潤

吳良

字熙臣淮安人善人物

吳達

字行先紹興人工山水

吳旭

字皋若吳人善山水人物寫真

吳訥

字仲言杭州人山水學藍派花卉師孫竹癡

◎吳振武

字威中秀水人朱竹垞之甥善花卉艸蟲官寶坻令間作

山水師麓臺兼長指頭畫

吳求

初名球字彥侶休寧人能詩善畫人物學仇英所作豳風圖十餘畝思致雋邁並堪垂久

吳晉

字平子莆田人工墨蘭

吳秋聲

號同柏江都人工墨竹得梅道人法

吳白

字哲侯錢塘人善花卉師張昉

吳瑄

號九蓬頭無錫縣人善畫人物

◎吳應茶

字小着號眉菴又號青靈山人歸安人康熙乙未進士官至兵部侍郎工詩好寫古木竹石

吳應枚

字頴菴居菱湖眉菴先生弟也官至大理寺卿山水師王麓臺

吳生

忘其名蘓州人畫花艸專摹惲南田題款書法亦酷似之嘗以此獲重利故罕自署名

吳宗默

鍾祥縣人工寫真

◎吳正

字頊臣休寧人求子能傳家學兼精花鳥法黃叔要惜早

卒

吳楸

字朝英號逸泉無錫閭江人工畫王筍林竹雲圖乃逸泉所作

吳豫杰

字次謙繁昌人工墨竹曾與新安姚羽京合畫竹石屏障

吳元偉

嘉興人長吉之子画傳家學

吳倫

字廷彝善山水筆意疎淡

吳璋

字漢田婁縣人畫花鳥極工細極有名

◎吳山

字煙谷號春江更號南陽歙縣人山水師王石谷筆墨蒼雅布置整嚴其渾厚處與唐岱頡頏而秀韻亦亞于楊子

鶴

吳諤

字青城嘉興人為鮑汝舟弟子工山水花艸兼善士女寫真筆亦穎秀惜早世

吳省曾



字身三無錫人工寫真曾為袁簡齋畫隨園雅集圖惜年未五十卒

吳棫

字偉山婁縣采花涇人工院體花鳥傳其父璋之業而更精之名重于時曾入內廷供奉

吳定

字子靜徽州人山水宗漸江

吳世賢

字古心松江人乾隆戊辰進士出宰湖南北者二十餘年

後知廣東樂昌縣工詩詞善寫蘭

吳濤

字學山號蒿田松江人工山水法董思翁

吳山秀

字人虬號晚青震澤縣人乾隆壬午歲貢生工詩文善山水亦能寫生

吳晉

字日三號進之本新安望族殿撰錫齡庶常蔚光皆賢阮也後遷居婁縣平生精研六書篆隸鍊筆皆得古趣兼工

山水

吳巖

字桐村烏程人乾隆丁丑進士官刑部主事督學山西善山水並工寫意花卉

◎吳博屋

號補齋吳江人僑寓吳門工花鳥禽蟲而寫水族尤佳

吳賢

字東皋工山水筆法簡老

吳禮

字若愚休寧人寓吳門山水師周山怡乾隆二十二年

南巡曾進九如畫稱旨賜緞

吳霽

號竹堂錢塘人登甲榜不仕詩文詞賦皆工而画山水則仿新羅山人墨竹宗魯孔孫

吳原炳

常熟人山水法元四家得其神髓余所藏臨九龍山人小幅筆墨秀潤蒼古亞于張南華

吳龍光

字淵朗歸安人孝廉工山水魚寫竹得着庵侍郎家學  
吳之韻

號竹屏江都人官江西廉使工山水兼善蘭竹不設色  
吳思忠

字孝侯江寧貢生寫山水師高蔚生兼善寫生亦能詩  
吳叔元

字思堂又字思翁休寧人寓儀徵終於如臯能詩寫山水  
筆力渾厚

吳亮

字啟明號既白長洲人工山水

吳坤

字皆六紹興諸生工山水及篆刻

吳麐

字堯圃江西人寫山水法元四家筆意簡淡宜于小幅

吳之湄

字林洲吳江諸生家于蘆區工詩尤善山水

吳點

字春沂號湘帆休寧人寓吳門工山水花鳥尤長畫魚得

吳補齋法

吳照

字清暉號雨香湘帆之弟工白描人物師上海俞宗帆亦善寫真

吳增

字益之號竹虛錢塘人僑寓虎邱山塘工山水花鳥人物

吳寶書

字松崖無錫人逸泉之孫工蘭竹花果

吳霖

字稼軒號紫翠山樵南通州人善寫意花卉

吳克諧

號夔菴浙江石門縣人山水法王石谷

吳日昕

字葯雨歙縣人工山水摹石田衡山兩家

吳錦

字畫堂號柳邨錢塘人乾隆己酉拔貢生竹堂先生子也寫竹得家傳尤工山水筆意蒼雅秀挺似文衡翁惜早世未得大成

○吳之龍

字汝霖號雲門江寧人孝侯先生之子工山水人物

○吳鈞

字念曾號墨隱秀水人山水得井鹵老人法尤善函松

吳大均

字叔平號蘆山又號雲源原籍休寧遷居溧陽工詩文善山水人物花卉尤長墨龍兼通琴旨著有鏡吾西有堂諸

藁

吳希文

字松坡涇縣人以指畫名而筆畫尤佳

吳階升

字南吉號芝田上海人府學廩生善畫棧道圖

吳尚錦

字兼山常熟人世襲雲騎尉工詩善山水法元人曾為余作秋晴訪碑圖筆意疎淡

○吳鼎

字號山尊全椒人善山水法董思翁

○吳照

號白 大庾人善蘭竹

盧丹

字瑞生宜興人工畫人物士女

盧宜

字公弼鄞縣人康熙丙午舉人知鎮遠縣善繪事尤工墨

蘭

盧世昌

字絅齋湖南桂陽州人乾隆甲戌進士官豐縣令工八分

書善詩兼愛畫蘭

盧鎬

字號京號月船鄞縣人乾隆癸酉舉人官平陽教諭画山水喜用秃筆焦墨

盧登棹

字震滄鄞縣人善山水

蘓

遜

初名霖字澤民愛今名字遺民華亭人善畫帝釋諸天像淳古莊嚴得吳道子筆意其工細者又似丁南羽間寫山水成即毀棄故流傳絕少

蘇

誼

字仲瞻杭州人工山水法藍田叔

蘇廷煜

字虛谷安徽蒙城人拔貢生官巢縣教諭工指墨梅蘭竹

菊

蘇士壻

蒙城人虛谷之人工山水

瞿

潛

字又陶華亭人工花鳥清雋秀艷即水墨者望之亦若五  
采有易元吉風格

瞿紹勳

號楠圃原籍如臯遷常熟書法董香光畫山水亦似之而  
間或仿米



山竹絲音

齊

鑑

字鑒已南易入書山其筆墨秀雅有別致



山竹絲音

奚

濤

原名冠字沅山一字大蒙崑山人崇禎五年補郡庠生遭  
亂隱居魏塘日吟詩作画壽至八十六画有倪迂筆意

◎奚

岡

字鐵生號蒙泉杭州人工畫山水得指授于方環山故宗  
法醇正不染浙習間寫花卉亦超脫或偶作大士及呂僊  
像能詩工八分行楷書

倪端

字文初嘉興人工山水尤善寫生

倪含

字幼含嘉善人善山水

倪鼎

字丹成號竹邨嘉禾人文初之子得父傳而學古猶能變化兼工人物寫生烏程呂學見之推為絕詣

倪國璉

字穗疇一字子珍杭州人官給諫曾典試滇中督學湖廣

乾隆癸亥奉使江南歿於太和平生工詩文寫山水筆意  
簡淡曾作城東訪友圖寄金江聲厲樊榭有詩題後

倪象占

初名承天後以字行更字韭山浙江象山人優貢生官嘉  
善訓導善畫松竹蘭石

倪瀛

字滄洲杭州人善人物寫真

倪煦

字春畬號半峰錢塘人滄洲之子工人物士女花卉禽蟲

筆意雋秀傳色研雅兼善寫照

◎西密揚阿

字文暉滿洲人官杭州協副將工指頭画山水蒼老遒勁  
花草寫生尤有逸趣

山作經音卷二

柴

藁

字子宜浙江山陰人善山水



馬得編員

二

梅朗中

字朗三宣城人諸生與祚之孫也善詩古文詞著有書帶園集兼工書畫惜年不滿四十

◎梅清

字淵公一作遠公號瞿山宣城人銅之兄也舉孝廉以詩名江左曾輯梅氏詩畧十二卷起唐迄明又畫黃山圖十二幅贈王漁洋淵公山水清遠冷雋入逸品而畫松與梅尤奇古秀勁當入神品

◎梅庚

字耦長號雪坪又號聽山翁宣城人清之弟也康熙辛酉  
舉人晚年知泰順縣事工詩著有吳市吟山陽笛漫與集  
善八分書寫山水花卉皆雅韵然不肯為俗人作兼工白  
描人物

梅南

宣城籍僑居白門精繪畫父杓司與施愚山友善愚山贈  
南三絕句其末首云朗三詩画舊聲名二妙瞿山又雪坪  
添汝不妨成後勁梅花樹榭照江城

雷·搢

字書廷華亭人工山水尤善畫龍

雷蓮

字蓉塘四川井陘縣人吳興太守紹堂之胞弟也工鈎勒  
花卉兼長西菜

雷沅

字芷堂婁縣太學生工山水



來呂禧

字西老蕭山人善花鳥師陳老蓮



◎崔子忠

字北海號青蚓順天人  
工人物面貌奇古衣紋圓勁其神  
妙處直逼仇唐與陳老蓮齊名時稱南陳北崔至其生平  
大節尤足欽重

崔華

字不凋太倉州直塘人工詩有黃葉聲多酒不辭句人目  
為崔黃葉畫花卉翎毛頗工緻

崔鑾

字象州三韓人工人物士女學焦秉貞法傳染淨麗風情

婉約畫梅亦工官州牧

◎崔瑤

字筠谷號華林外史山水得羅梅仙指授而畫竹木松石尤為秀挺壽至九十餘

崔溥

字春泉筠谷仲子也山水人物能世其業

裴錡

字頤祖號雲鵠句容縣學生工吟詠善寫梅蘭

裴鏞

字聚堂號迪君句容庠生能寫折枝花卉

辛

開

字秀張烏程縣人少補武學生旋棄去專志讀書工八分  
繆篆善寫真及花卉尤精墨竹為沈宗騫入室弟子

申浦

字茗清號自然華亭人山水法大癡筆意疎秀

申涵煜

字觀仲廣平人端愍公次子也舉孝廉工詩書法大令寫  
蘭竹似趙子固著有敏庵江杭諸集

申奇猷

字秩公三韓人官縣令善山水

◎陳洪綬

字章侯號老蓮甲申後自稱悔遲或稱老遲諸暨人諸生  
崇禎間召入供奉監國中待詔南都國破後亡歸卒于家  
自幼工詩文書法出自褚河南而瘦勁道媚自成一格畫  
山水人物花鳥法唐宋諸大家筆力超拔氣格渾厚而更  
參以元人逸致其造詣在仇唐之上蓋自趙吳興而後三  
百年來第一人

陳曼

字長倩號崖道人南匯縣人學詩于劉允平學畫于沈子

居得其神髓申酉後杜門寂處賣畫自給老年画益蒼秀  
得意處兼二米倪黃風格所著有詠歸堂藁

陳丹衷

字旻昭號獻父金陵人崇禎庚辰進士授御史奉使招苗  
兵於黔粵甫持節而逢國變遂返初服悠游林壑以終餘  
年平生工詞翰兼善山水

陳延

字遐伯潛山人後遷鳩茲精篆刻工書畫皆用左腕與蕭  
尺木稱画院二妙著有孤竹集

陳邁

字孝寬號蘭癡長洲人古白之子能詩工書法畫蘭得家  
學

◎陳原舒

初名舒後以字行一字道山從松江之朱家閣移居白門  
雨花臺下吟詩作畫画花鳥艸蟲在陳白陽徐青藤之間  
而畫必自題信手疾書皆有韻致

陳申

字蠖菴泰興人博學多材藝画山水筆法古秀脫落蹊徑

陳卓

字中立北京人久寓金陵善山水人物花卉

◎陳醇儒

字蔚宗當塗庠生工八分書尤長于山水

◎陳應麟

字璧山江陵人父死明難璧山入國朝子然終身賣畫

自給專工蘆雁

◎陳一元

新城人工墨竹

陳尹

字莘野號雲樵少從學于上海李藩所画人物山水花鳥

極工細後入疎老有出藍之目

陳崑

字卓公臨川人善山水花鳥

◎陳字

字無名號小蓮諸暨人章侯之子工山水人物花鳥其布

置設色宗吳道子黃叔要而衣紋身法則承家學而參用

李公麟法蒼雅古厚不愧宗緒



陳穀

字戩生號山民金山縣人工山水下筆有烟雲之氣

陳來

字宗來江南人善折枝花卉鉤勒設色者居多

陳儀

字象彩武進人能詩詞工山水蘭竹

陳惟邦

字子慶號雲莊山人漳州人事母至孝能詩善人物花鳥尤工寫照

陳岷

字山民常熟人山水師程孟陽筆意簡遠尤喜作寫意人物兼善彈琴作小照詩亦有致

陳棟

不知何許人工蘭竹

陳治

字山農金山縣諸生生平足跡徧天下晚隱泖濱工詩善丹青有貞白堂藁行世

陳鵠

字菊常南通州人工人物花鳥設色絢麗鈎染精細陳其  
年有欲識南朝真處士綠楊門巷賣丹青之句即贈菊常  
詩也

◎陳衡

字璇玉號東臯杭州人山水師藍田叔兼仿摹宋元名家  
間寫松石花鳥人物亦入能品

陳鳳翥

字聖章吳人好為小詩工書畫尤工花卉汪堯峯與其父  
均寧友善曾見所畫牡丹推許

陳僧權

號石人莆田人善蘭竹

陳履斌

字兼齋鄞縣人善畫竹曾畫竹祝鄭梁七十壽而寒邨画  
松補祝兼齋六旬且題七古一章贈之

陳岐

字友山杭州人工山水

陳涵

字尊淵隄為太守鏞裔孫遍遊燕齊楚粵所至摹其山川

景物兼詩與畫皆得天趣著有擊壤詩集

陳炳

字星若青浦縣人工仙佛神像

陳政

字在衡或曰陵川人或曰沁水人久居於黎雅善繪事寫竹石尤佳其書法米南宮王覺斯而為画所掩

陳少逸

字少和漳州人惟邦之子工山水兼善指頭畫

陳字

字子實崑山人工墨梅宗徐崇嗣

陳慶

字機來號十峯青浦人府庠生能詩工山水

陳景

字字文號偕山東湖縣人少讀書嗜酒好劍俠後肆力于書畫山水得米顛倪迂趣寫花卉翎毛亦入能品尤工画

牛

陳謙

字自牧如皋縣人康熙戊子武舉人博學工詩文精繪事

喜畫梅花

陳帆

字殊浦常熟人詩字畫稱三絕

陳逸

字翰文崑山人工畫梅筆意縱橫墨氣淋漓

陳典

字玉先邑人也善畫牡丹一時推重柳南隨筆云

陳政

字香山陽湖縣人工山水尤長白描得唐宋遺法曾寫徑

陳善

寸西湖圖五十二幅進御

大興人山水多焦墨邱壑深遠並工人物極有名 憲庶時 內廷供奉人稱小陳相公張浦山云係唐岱弟子

◎陳桐

字筠亭號菊僧婁縣人工畫花鳥艸蟲點染如生又號石生尤工蔬果及蟬翼

陳枚

字殿掄號載東晚號枝窩頭陀筠亭之弟也画工山水人

物花竹翎毛初學唐宋人折衷唐解元寅叅以西洋法集諸家之長而自出機杼精工古雅且能于寸紙尺縑畜羣山萬壑屋宇橋梁舟車人物色色俱備與巨幅全雍正四年以陳善薦入画院賞給內務府郎中銜給假歸晚年構廬於杭州之西溪以終

陳桓

字岱門號石鶴婁縣人枚弟也工詩嗜酒畫山水規撫倪黃尤善用墨

陳元復

字方來號西巖樵無錫人工書法善山水余所藏仿北苑夏山圖立軸筆墨渾厚蒼古乃乾隆四年作也

◎陳撰

字楞山號玉几山人錢塘人善詩文舉鴻博不就嘗客江都江鶴亭家所畫山水花卉無画史習而超脫雋逸自然名貴

陳嵩

字領堂繁昌人乾隆辛酉拔貢生官南匯令善山水松石

陳嶽

嵩之弟也歲貢生善画葡萄

陳浣

字無垢南滙人善山水尤長于蘭石

陳以銘

字層初南滙人工山水

陳洪疇

字畦旃號息巢所城人善填詞凡真艸八分篆刻皆不學而能而寫山水尤有逸趣

陳率祖

字怡庭湖南祁陽人可齋相國之姪官膠城令画水墨花卉有別致

◎陳棻

字涇南號斗泉吳縣楓橋人工詩文書画書仿南宮畫宗北苑

陳韶

字號華南青浦人工詩著有花南詩集 卷曾官湖州府司馬倦于宦途隱居西湖北墅之梅莊建詩社日事吟咏其画山水遠宗洪谷子近法玉几山人曾為余畫秋

晴訪碑圖筆意蒼古

陳達

字吉甫號東橋花南之弟也邑庠生精八法尤善畫蘭

陳岷瞻

字蘭堂婁縣上舍生工詩精小楷兼善山水

陳和

字非同一字不流上海人善山水

陳樽

字俎行號酌翁澥鹽縣人乾隆丙戌進士官廣西博白令

工山水有韵致

陳兆侯

字晉康號泮西青浦庠生善寫意花鳥

陳焯

字映之號無軒歸安縣人官定海學博博雅工詩善寫山水有自畫湘管齋圖名人題詠甚多所著有湘管齋寓賞編六卷湘管齋詩鈔若干卷

陳森

字奉璋號一亭金壇人工寫真曾為馮金伯寫鄰野俗書

圖神情酷肖

陳芝圖

原名德乾字崑谷號月泉諸暨縣諸生為章侯族孫工畫山水人物更精八法曾受知于彭芝庭學使

陳一鶴

字鳴九號雲汀海寧州人為香泉族曾孫山水花鳥俱工客遊荆楚間歸老于魏塘壻家

陳熙

字右昭號豆村杭州布衣工詩善山水人物董文恪公見

其畫極加贊嘆欲延之京邸豆邨以母老辭

陳詩庭

嘉定人孝廉工詩畫山水得南宗正派王文潞錢竹汀俱推重之

陳一章

字靜山江西崇仁人工山水人物以議叙官無為州州同

陳葆光

字芝田山西靈石人歷官至湖南鹽法道善潑墨山水

陳俞



字古虞嘉興人從張浦山游工山水尤長寫真

陳學海

字浩如號涵村居松江府鹵之修竹里太學生能詩善弈書仿董文敏畫山水蒼古似其外舅張友竹惜年不滿四

十

陳元勳

字紫嶠長洲縣諸生工墨竹

陳應隆

字必大吳人工寫真及花鳥

陳鳳翔

字竹香江西崇仁人一章之子善山水人物官直隸玉田

令

陳源

字天一號昆流吳縣人工山水雜卉

陳棟

字任宇號幹亭長洲人性孝友工詩善山水

陳公信

字惺園福建上杭人官浙江鹽大使歷徐州府經歷工山

水師上官竹莊

陳效文

嘉興人古虞子也能紹父藝

陳澧

字安瀾號竹閒吳人山水出玉竹嶺之門又善寫生

陳鼎鑄

字恭壽號石香蘇州人書法傳家學兼工花卉禽蟲師繆

丹林

陳潮

字錢塘人工山水人物尤善畫牛余所得漁樵問答

圖係乾隆辛未年畫筆意蒼秀可賞

陳希濂

字秉衡號澱水錢塘人乾隆舉人工詩文著有燕臺

吟藁一卷刊行善行楷書尤長八分收藏書畫名蹟甚夥

薰習之餘輒能沒骨寫意花艸木石筆情超脫古雅

◎陳鴻壽

字子恭號曼生錢塘人嘉慶辛酉拔貢生今官溧陽令詩

文雋雅工麗善書法篆隸行楷並工兼精繪事尤長鍊筆

章法本于漢人而道逸古秀追縱程穆倩萬年少且近與  
龍泓老人相頡頏

陳國觀

字

號

杭州郡庠廩生工花卉

陳華祝

字

號復齋

人工蘭花

陳球

嘉興人工山水

陳

均

字受笙海寧州人嘉慶丁卯舉人詩文詞賦無不擅長兼  
通六書金石之學画工山水宗法董巨倪黃

陳玉

字

號方澗嘉興人工花卉人物深得元人精旨

陳霖

號雨人

人工山水花卉深入晴江之室

陳務滋

字樹人號植夫湖北安陸人官廣東佛岡司獄書法篆隸  
行楷兼翁王西廬兩家法而得其蒼古渾厚之氣非近世

之僅取形似者所得竹石花卉亦超脫

秦

涵

新安人工山水法漸江

◎秦

儀

字梧園無錫人工詩善山水而尤精于寫楊柳故人稱為秦楊柳云

秦大士

號澗泉又號秋田老人江寧人乾隆壬申臚唱第一官侍誦學士工詩文書法直逼歐柳晚年兼善繪事尤喜寫竹

秦寶

號漫郎工畫楊柳乃無錫梧園子也

秦 銑

字南珍無錫縣諸生善山水尤工花鳥其倣鄒小山者輒能亂真

◎ 文從簡

字彥可晚號枕煙老人待詔曾孫蘇州府學廩生崇禎庚辰廷試貢士例得學博不赴選卒於順治五年善書畫傳其家法而少變書則兼李北澣画兼雲林叔明其女適趙靈均精花鳥世所稱趙文淑者也

文從昌

號五嶽待詔雲仍也寫山水出入于趙千里王叔明之間而行筆秀雅設色精湛仍不失衡山法脈

文 枏

字端文號慨菴一字曲轅從簡子長洲學諸生少工詩文  
後父相國震孟器重之延至家為二子師甲申後奉親隱  
居寒山父沒徙居陸墓結茆耕漁以終畫山水一稟祖法  
所著有慨菴詩選青氈雜志卒年七十二時康熙六年也

◎文  
點

字與也晚南雲山樵長洲人相國震孟孫父秉承蔭經亂  
不仕點因叔父乘殉難依丙舍以居亦嘗舍蓮涇慧慶僧  
寺賣書畫自給其画山水用筆細秀多點染淹潤迷離蓋  
以墨勝也兼善人物尤長松竹小品筆墨雅馴意匠超雋

並工詩文所著文集四卷詩集十卷生于崇禎六年卒於  
康熙四十三年壽七十二

文  
揆

字賓日號古香長洲人文水之曾孫也居小停雲館日哦  
詩作画于古松之下尤好蓄古研得最精者十二枚其一  
為陶隱居物尤愛惜之故所著名十二硯齋詩集画山水  
法倪黃不多作故傳者罕

文  
定

字子敬後名止字止菴一字子豹長洲人熙光之子三橋

曾孫也善花鳥與王忘菴齊名

文命時

江都人工墨蘭以瘦筆乾墨運以中鋒秀勁拔俗花藥踈  
朗別具神韻

文泰

字萬通長洲人周舄長子南雲之孫吳縣庠生善詩詞工  
畫卒年三十六

文永豐

字鹿曹文赤次子為胞弟載安嗣以監生擢 武英殿纂

修官內邱知縣工八分書能画

聞

音

字即山鄞縣人山水小翎毛澹雅生動

聞

淳

字鏡川號若溪杭州人工花鳥艸蟲



殷立杏

字鶴溪號南齋吳江縣人家多名蹟任意臨仿遂工山水  
尤長于梅道人法

◎殷樹柏

號雲樓嘉興人能詩善書畫工花卉有疎秀逸趣

◎樊沂

字浴沂居金陵迴光寺畔乃會公之兄也工山水人物花卉悉皆精妙與會公有雙丁二陸之名

◎樊圻

字會公江寧人工山水花鳥人物筆意在趙大年劉松年趙松雪之間布置深穩筆墨雅潔其設色尤古茂清湛王孟津最賞會公小幅其所画山水冊子贈周櫟園者孟津作蠅頭小楷題其上而小印模糊誤視會公為洽公會後即以洽公行感知已也是冊中予得其一幀右角上亦

有孟津小楷跋余并得會公設色山水卷筆意直逼劉松  
年二品俱極精妙

樊雲

字青若江寧人會公子也畫傳家學而筆尤蒼厚

◎溫儀

字可象號紀堂三原縣人康熙壬辰進士少嗜畫無師承  
乃以計入都拜王少司農門下為弟子觀用筆用墨法又  
授以古圖縮本遂大進初仕進賢縣卓異入京授保定府  
遷昌霸道

溫純

字一齋烏程人性喜勘校古書籍並工詩古文詞及行楷  
八分篆刻從沈芥舟學畫所寫山水蒼渾淵雅力追董巨

孫雲鵬

字扶雲青浦縣學生少能詩工畫長寄人幕下足蹟遍天涯  
侯澆曹爾堪施閏章柴紹炳皆與論交而沈荃受業門  
下最久六十五歲以後戲門不出

孫沂如

字阿滙江南六合人善文詞精畫理惲向有畫旨四卷係  
沂如為之序又黃仙裳雲有題妍如所贈畫筴詩

孫逸

字無逸號疎林海陽人流寓蕪湖山水兼法南北宗人以

為文待詔後身歛令靳某所刊歛山二十四圖是其筆也  
前與查士標汪之瑞僧漸江稱四大家後與蕭尺木稱孫  
蕭云

孫 杖

字子周號竹癡錢塘人善行艸八分書畫花卉竹石筆墨  
蒼勁設色濃艷得宋人正派其鈎勒及飛白竹更妙南樞  
公署後石刻梅花碑是其筆也

孫 獻

字郁林雄縣人畫山水得郭熙三昧人物追縱李唐馬遠

孫 浪

至于取物傳形翎毛鵝鴨花艸蟲蝶莫不酷肖

孫 道樞

字白間高淳縣人工畫得雲林大癡之神而性疎放非健  
戶迫之不輕落筆其圖章古鏡紐也較異他篆人取為信

字茂叔順天人善山水

◎ 孫 西顯

字煥文陽湖縣人工竹石水墨明秀瀟然出塵

孫 淵

字曰明錢塘人子周之子能紹文藝

孫均

平湖縣諸生博雅能文章詩書画稱三絕

孫山濤

字號里居未詳畫山水得王麓臺指授故用筆蒼秀意趣簡遠嘗臨待文待詔画卷幾亂真本在亭榭蒙中有跋

孫綠

字亘青常熟縣庠生善花草氣味俊雅率筆居多

孫衛

字虹橋青浦人精篆隸工摹印能作壁窠大字兼善山水

◎孫志皋

能詩工書法善畫花艸水墨者居多尤工蘭石荷花

孫光禔

崑山人坤之世父也精篆刻工書画

孫允中

字敬修號春生錢塘人官山東海陽縣典史能詩工寫蘭

竹

孫鎬

昭文縣貢生官潞安知府降成都通判以西藏用兵差  
勞動卒于軍工指墨山水

孫賢

字樸園吳縣人從婁東顧翰臣習繪事後又師事上海朱  
巨山得傳染之法

孫炳

字啟後青浦人衛之姪也工花卉

孫坤

字眷夫號漱生崑山之安亭江人甫九歲畫七尺呂祖像

于壁長工山水花鳥並能鍊筆尤善製硯

孫滙

號嘯壑安徽廬江人能詩通琴旨善畫蘭亦工山水嘗于  
扇頭寫江上秋歸圖題二絕以寄內

孫銓

字鑑堂號少迂崑山人乾隆庚子舉人工墨竹法夏仲昭  
亦善山水以王叔明為宗而子久雲林石田諸家皆所兼  
涉中年學寫生亦得白陽南田法遊京師為成邸所賞嘉  
慶辛酉司訓南滙集諸名家法書手自鈎摹入石為壽石

山  
行  
錄  
音  
卷  
二  
齋  
法  
帖





